

**BOSNA I HERCEGOVINA
FEDERACIJA BOSNE I HERCEGOVINE
FEDERALNA AGENCIJA ZA UPRAVLJANJE ODUZETOM IMOVINOM**

PRAVILNIK

**o načinu izdavanja certifikata u oblasti edukacija
Federalne agencije za upravljanje oduzetom imovinom**

Sarajevo, decembar 2024. godine

Na osnovu člana 66, a u vezi sa članom 60. stav (3) Zakona o organizaciji organa uprave u Federaciji Bosne i Hercegovine ("Službene novine Federacije BiH", broj 35/05), te čl. 28, 30. stav (1) tačka c. i 31. tačka I. Zakona o oduzimanju nezakonito stečene imovine krivičnim djelom ("Službene novine Federacije BiH", broj 71/14), v.d. direktor Federalne agencije za upravljanje oduzetom imovinom d o n o s i:

PRAVILNIK
o načinu izdavanja certifikata u oblasti edukacija
Federalne agencije za upravljanje oduzetom imovinom

POGLAVLJE I. OPĆE ODREDBE

Član 1.

Federalna agencija za upravljanje oduzetom imovinom (u daljem tekstu: Agencija) uređuje i provodi edukacije, odnosno obuke državnih i policijskih službenika i nosilaca pravosudnih funkcija u vezi sa finansijskim istragama i oduzimanjem imovinske koristi pribavljene krivičnim djelom vodeći se čl. 30. i 31. Zakona o oduzimanju nezakonito stečene imovine krivičnim djelom u Federaciji Bosne i Hercegovine („Službene novine Federacije BiH“, broj 74/14) i godišnjim planovima i programima stručnog obrazovanja i usavršavanja državnih i policijskih službenika i nosilaca pravosudnih funkcija u vezi sa finansijskim istragama i oduzimanjem imovinske koristi pribavljene krivičnim djelom.

Član 2.

Ovim pravilnikom propisuju se način i uvjeti za izdavanje certifikata u oblasti finansijskih istraga i oduzimanja nezakonito stečene imovine krivičnim djelom, obavezni elementi certifikata i način vođenja evidencija o izdatim certifikatima.

POGLAVLJE II. NAČINI I UVJETI IZDAVANJA CERTIFIKATA

Član 4.

Učesnicima edukacija koje realizuje Agencija u skladu sa godišnjim planom i programom stručnog obrazovanja i usavršavanja državnih i policijskih službenika i nosilaca pravosudnih funkcija u vezi sa finansijskim istragama i oduzimanjem imovinske koristi pribavljene krivičnim djelom, nakon završene edukacije, izdaje se certifikat o završenoj edukaciji.

Član 5.

Certifikat sadrži sljedeće obavezne elemente:

- a) logo sa znakom Federalne agencije za upravljanje oduzetom imovinom;
- b) ime i prezime učesnika edukacije;
- c) naziv institucije u kojoj je zaposlen učesnik edukacije;
- d) naziv edukacije;
- e) datum i mjesto održavanja edukacije;
- f) u donjem lijevom uglu broj certifikata dodjeljeni upisom u elektronsku evidenciju izdatih certifikata;
- g) mjesto i datum izdavanja certifikata;
- h) pečat Agencije;
- i) potpis direktora u donjem desnom kutu certifikata.

POGLAVLJE III. NAČIN VOĐENJA EVIDENCIJE

Član 6.

O polaznicima edukacije Agencija je dužna da vodi evidenciju.

Član 7.

Za svakog polaznika edukacije vodi se elektronska evidencija o sljedećim podacima:

- a) broj certifikata;
- b) datum izdavanja;
- c) ime i prezime učesnika edukacije;
- d) institucija u kojoj je zaposlen učesnik edukacije;
- e) radno mjesto učesnika edukacije;
- f) vrijeme i mjesto održavanja edukacije;
- g) naziv edukacije.

POGLAVLJE IV. PRIJELAZNE I ZAVRŠNE ODREDBE

Član 8.

Riječi koje se koriste u ovom pravilniku u jednom rodu (muškom ili ženskom) odnose se na oba spola.

Član 9.

Evidencije o provedenoj edukaciji učesnika i izdavanju certifikata vodi Sektor za planiranje, informisanje i edukaciju Federalne agencije za upravljanje oduzetom imovinom, uz obavezu poštivanja propisa o zaštiti ličnih podataka.

Član 10.

Evidencije o provedenoj obuci i edukaciji polaznika obuke čuvaju se u skladu sa propisima koji uređuju propisi o arhivskoj građi u Federaciji BiH.

Član 11.

Ovaj pravilnik stupa na snagu danom donošenja.

Broj: 01 - 02-2-1149/24

Sarajevo, 17. 12. 2024. godine

